



MALAYSIA

Warta Kerajaan

SERI PADUKA BAGINDA

DITERBITKAN DENGAN KUASA

HIS MAJESTY'S GOVERNMENT GAZETTE

PUBLISHED BY AUTHORITY

Jil. 54
No. 12

17hb Jun 2010

*TAMBAHAN No. 46
PERUNDANGAN (B)*

P.U. (B) 270.

PERLEMBAGAAN PERSEKUTUAN

KAEDAH-KAEDAH KEWARGANEGARAAN 1964

PELANTIKAN PENDAFTAR WARGANEGARA

PADA menjalankan kuasa yang diberikan oleh subkaedah 3(1) Kaedah-Kaedah Kewarganegaraan 1964 [L.N. 82/1964], Menteri melantik pegawai diplomatik dan konsul yang masing-masing melaksanakan fungsinya di pejabat Perwakilan Malaysia sebagaimana dinyatakan di dalam Surat Pekeliling Am Bilangan 2 Tahun 2009 mengenai Sistem Pentadbiran Kerajaan Malaysia (SPKM) di Luar Negeri bertindak sebagai Pendaftar Warganegara berkuat kuasa mulai 20 Mei 2010.

FEDERAL CONSTITUTION

CITIZENSHIP RULES 1964

APPOINTMENT OF REGISTRARS OF CITIZENS

IN exercise of the powers conferred by subrule 3(1) of the Citizenship Rules 1964 [L.N. 82/1964], the Minister appoints all the diplomatic and consul officers who are respectively exercising their functions at Malaysia Representative

P.U. (B) 276.

AKTA PENTADBIRAN UNDANG-UNDANG ISLAM
(WILAYAH-WILAYAH PERSEKUTUAN) 1993

FATWA DI BAWAH SEKSYEN 34

MENURUT subseksyen 34(1) Akta Pentadbiran Undang-Undang Islam (Wilayah-Wilayah Persekutuan) 1993 [*Akta 505*], Mufti bagi Wilayah-Wilayah Persekutuan, setelah berbincang dengan Jawatankuasa Perundingan Hukum Syarak, membuat fatwa yang dinyatakan dalam Jadual.

ADMINISTRATION OF ISLAMIC LAW
(FEDERAL TERRITORIES) ACT 1993

FATWA UNDER SECTION 34

PURSUANT to subsection 34(1) of the Administration of Islamic Law (Federal Territories) Act 1993 [*Act 505*], the Mufti of the Federal Territories, after having discussed with the Islamic Legal Consultative Committee, makes the *fatwa* set out in the Schedule.

JADUAL/SCHEDULE

FATWA BERKENAAN DENGAN KURSUS *ESQ LEADERSHIP TRAINING*
DAN FAHAMAN YANG SEUMPAMA DENGANNYA

- (a) ajaran, pegangan dan fahaman yang dibawa oleh *ESQ Leadership Training* anjuran Ary Ginanjar Agustian dan apa-apa ajaran yang seumpama dengannya adalah menyeleweng daripada ajaran Islam kerana mengandungi ajaran-ajaran yang boleh merosakkan akidah dan syariah Islam. Ciri-ciri penyelewengan tersebut adalah seperti yang berikut:
- (i) mendukung fahaman liberalisme iaitu memahami atau mentafsir nas-nas agama (al-Quran dan as-Sunnah) secara bebas, dan fahaman pluralisme-agama iaitu fahaman yang mengajarkan semua agama adalah sama dan benar. Kedua-dua fahaman ini adalah sesat dan boleh membawa kepada kekufuran.
 - (ii) mendakwa bahawa para Nabi mencapai kebenaran melalui pengalaman dan pencarian. Ini bercanggah dengan akidah Islam tentang Nabi dan Rasul. Menurut akidah Ahli Sunnah Wal Jamaah, kenabian dan kerasulan adalah pilihan Allah s.w.t. semata-mata (*al-Istithaiyyah*), dan bukan sesuatu yang boleh diusahakan (*al-Kasbiyyah*).
 - (iii) mencampuradukkan ajaran kerohanian bukan Islam dengan ajaran Islam, "*SQ*" adalah hasil penemuan seorang Yahudi, Danah Zohar, manakala "*God Spot*" adalah hasil kajian seorang Hindu VS Ramachandran. Kedua-dua penemuan ini disahkan dengan ayat al-Quran (Al-Hajj, ayat 46).

- (iv) menekankan konsep “suara hati” atau “*conscience*” sebagai sumber rujukan utama dalam menentukan baik dan buruk sesuatu perbuatan. Konsep suara hati adalah ajaran paling suci dalam agama Kristian. *The Oxford Dictionary of World Religion* menyebut: “*In the main forms of Christianity, conscience is the absolutely inviolable and sacrosanct centre of the person as human as responsible for her or his decisions*”. Konsep suara hati juga merupakan ajaran agama Hindu seperti yang dijelaskan oleh Swami Vivekananda: “*The Atman is the Holy Ghost of the Biblical Trinity, and the purpose of all religions is to make men heard ‘the still small voice’ within them*”. Menurut Imam Abu al-Abbas, pendapat demikian adalah zindik dan kufur.
- (v) menjadikan logik sebagai sumber rujukan utama. Ini bertentangan dengan akidah Islam yang menetapkan bahawa al-Quran dan as-Sunnah sebagai sumber rujukan utama.
- (vi) mengingkari mukjizat dan menganggapnya tidak dapat diterima oleh akal dan tidak sesuai dengan zaman sekarang yang serba logik. Mengingkari mukjizat adalah kufur dengan ijmak ulamak kerana ia bermakna mengingkari nas-nas al-Quran dan Hadis Mutawatir yang mensabitkan mukjizat bagi para Nabi a.s.
- (vii) menggunakan Kod 19 rekaan Rasyad Khalifah untuk mentafsir al-Quran. Rasyad Khalifah mengaku dirinya sebagai rasul dan membawa agama baru yang dinamakan “*submission*”. Teori Kod 19 dianggap lebih tinggi daripada al-Quran kerana mengikut teori ini, ayat-ayat al-Quran perlu dibuang atau ditambah bagi menyesuaikan dengan Kod 19.
- (viii) menyamakan bacaan al-Fatihah sebanyak 17 kali sehari oleh orang Islam dengan amalan Bushido oleh orang Jepun yang berteraskan ajaran Buddha.
- (ix) mendakwa bahawa kekuatan luar biasa seperti mukjizat boleh berlaku melalui rumus *Zero Mind Process (ZMP)*. Dengan rumus *ZMP* ini, *ESQ* mengiaskan bahawa mukjizat Nabi Musa a.s. diselamatkan daripada Fir’aun boleh juga berlaku kepada orang lain seperti yang berlaku kepada juruterbang Kapten Abdul Razak. Kefahaman mukjizat seperti ini merupakan ajaran agama Hindu seperti yang diterangkan oleh Swami Vivekananda: “*When Jesus healed, they called it a miracle*”. *What is a miracle? A supernatural even says the dictionary. “Applied Raja Yoga”, says the Yogi. “Just because you don’t understand it, you call it a miracle. We know what it’s about. It’s natural to us”*.
- (x) mentafsirkan makna kalimah syahadah dengan “*triple one*”. Ini adalah tafsiran bidaah dan sesat. Dalam konteks akidah, “*triple one*” digunakan oleh Kristian untuk menghuraikan Konsep *Trinity*. Buku “*Christianity For Dummies*”, ketika menghuraikan konsep

ini menyatakan: "*The Trinity: How 1+1+1 Equals 1. Christianity says that God is Trinity – one God expressed in three beings. The term trinity means: "three-oneness".*

(b) mana-mana orang hendaklah menjauhi ajaran, pegangan dan fahaman sebagaimana yang dinyatakan dalam perenggan (a).

Bertarikh 10 Jun 2010

Dated 10 June 2010

[PMWP/100/20 Klt. 2; PN(PU³)530/VI]

DATUK HJ. WAN ZAHIDI BIN WAN TEH
*Mufti Wilayah-Wilayah Persekutuan/
Mufti for the Federal Territories*

Hakcipta Pencetak (H)

PERCETAKAN NASIONAL MALAYSIA BERHAD

Semua Hak Terpelihara. Tiada mana-mana bahagian jua daripada penerbitan ini boleh diterbitkan semula atau disimpan di dalam bentuk yang boleh diperolehi semula atau disiarkan dalam sebarang bentuk dengan apa jua cara elektronik, mekanikal, fotokopi, rakaman dan/atau sebaliknya tanpa mendapat izin daripada Percetakan Nasional Malaysia Berhad (Pencetak kepada Kerajaan Malaysia yang dilantik).



DICETAK OLEH
PERCETAKAN NASIONAL MALAYSIA BERHAD,
KUALA LUMPUR
BAGI PIHAK DAN DENGAN PERINTAH KERAJAAN MALAYSIA